

الفاجومي

أصبحت الرفيق نجم

- اشتغلت في معسكرات الانجليز بمنطقة الاسماعيليه.
- تعرفت على الشيوعيين على يوفيه في فايد ١٩٥١.
- عيال الاسماعيليه سرقوا سلاح الانجليز بالنجده والقيطان.
- ٨٠ ألف رفضوا العمل مع الانجليز فعينتهم الحكومه تحت بند زايدين عن الحاجه.

obeyikan.com

وراح قايم عبد العزيز أخويا رازعنى أريع تقلام عشان أ نفع! أثاربه يا سيدى كان منشن على جوز شراب نايلون من محمد وبالحرکه دى نال المراد من رب العباد.

وفى خلال أسبوع كانت رجلى بتخطى عتبه أول معسكر إنجليزى دخلته وهو معسكر عائلات الطيارين الإنجليز بفناره المينا.. واشتغلت عند الأسطى حمامه الترزى فتره اكتسبت فيها بعض الخبره فى الصنعه وبعد كده اشتغلت فى مجموعه من معسكرات الاحتلال فى منطقة القنال كانت أهم محطه فيها مدينه الإسماعيليه الجميله.. سكنت فى شارع الفن الشهير وشفبت بعينى الأطفال وهما بيخطفوا سلاح العساكر لنجليز فى عز النهار! كان العيل يضرب النحله أم قطان فى الأرض تنزل دايره وبعدين يشقظها على كف إيده ويشقظها للعسكرى الإنجليزى على كفه وهى دايره برضه ويقول له:

- تعرف تعمل كده؟

العسكرى يركن سلاحه ويمسك النحله القطان عليها ويضربها فى الأرض ممكن ينجح وممكن يفشل وفى الحالتين يعاود المحاوله باطمئنان وفجأه وأثناء انهماكه فى لف القطان على النحله يختفى العيل ومعه سلاح العسكرى.

وعاشرت فى شارع الفن أبطال المقاومه الشعبيه المجهولين.. حنيدق وطه وعباس ودول أشقاء ومعاهم الباشا وحسين حافظ اللى كان عنده عربيه رولزرويس زى المارشال اللى هو قائد قوات الاحتلال ذات نفسه.. وشفبت عزت السواق شهيد شارع الفن قبل ما يقتلوه لنجليز فى المعركه اللى دارت بينهم وبين شارع الفن فى شارع محمد على. واللى بلغت فيها خسائر الانجليز حد أجبرهم على سد هويس أبو جاموس لانتشال الجثث من الترعه الإسماعيليه.

وأثناء حصر قوات البوليس المصرى داخل مبنى المحافظه وقفوا ولاد شارع الفن

وقفه فرسان وبقوا يهربوا الأكل والشرب والأسلحة والذخيره للمحاصرين.. ودى صفحه سريه مجيده من تاريخ كفاح الشعب المصرى الخالد ضد الاحتلال.

ومع بدايات سنه ١٩٥١ كنت فى فايد اللى كانت مركز تجمع لكل القوى السياسيه العماليه وكانت أماكن اللقاء عباره عن مجموعه من المقاهى.. قهوه أحمد عبد النبى بتاعة الوفد وقهوه تانيه للمستقلين ومصر الفتاه وقهوه تالته للإخوان والمستقلين وكان فيه ورا البلد قهوه صغيره اسمها بوفيه كامل كانوا بيقتعدوا عليها الشيوعيين وكانت الحركه الوطنيه فى حاله غليان وكانت الصحافه المصريه عباره عن منشورات وطنيه ملتبهه.

وتصاعدت مقاومه الفلاحين المصريين ضد طغيان الإقطاع - الحليف الأول للإنجليز - وقدمت حركه الفلاحين المصريين مجموعه من الشهداء الأبرار كان أشهرهم الشهيد عنانى عواد شهيد قرية بهوت.

وركزت الصحافه المصريه بما فيها صحافه حكومة الوفد هجومها على الإنجليز وفساد القصر الملكى - الحليف التانى للإنجليز - وعبث الأميرات شقيقات الملك ومجون أمه الملكه السابقه نازلى.

وكان فرسان القلم فى ذلك الزمان مجموعه من الكتّاب الأفاضل أذكر منهم على سبيل المثال الأساتذء.. فتحى رضوان وسيد قطب وأحمد حسين وإبراهيم شكرى ومحمد عصفور وأبو الخير نجيب وعبد الرحمن الخميس وسعد مكاوى وفتحى الرملى رئيس تحرير جريده الملايين الشيوعيه اللى كانت بتصدر أسبوعيه بترخيص من الحكومه.. وأحمد أبو الفتوح وعزيز فهمى الشاب الذى مات غرقاً فى ظروف غامضه كتلك التى راحت ضحيتها المطربه أسمهان مع الفارق فى التشبيه.

وفى هذه الأثناء كانوا أهم شخصيتين فى مدينه فايد هما سامبو بتاع الجرايد واليوبزباشى سيد الحولى معاون نقطه بوليس فايد واللى كان بيشتاع عنه إنه وفدى الميول.

أيامها كانت مصر حبلى بشىء.. يمكن مالوش ملامح.. لكن الحمل كان أكيد

صحيح وواضح.. وكل الناس من كل الجهات وعلى جميع درجات السلم الاجتماعى كانوا بيستنوا وكانهم كانوا متواعدين عند لحظة الميلاد.

وقعدت مصر كلها جنب الراديو يوم عشره أكتوبر ١٩٥١.

كانت مصر على موعد مع خطاب رئيس الحكومه وزعيم الأمة مصطفى النحاس باشا.

كان الوعد الأكبر والمهمه الرئيسيه لحكومة الوفد هي القضية الوطنيه اللي فشلت في حلها سياسات المفاوضات والنفس الطويل.. وبدأت الحركة الشعبيه بالفعل مرحلة الكفاح المسلح ضد الوجود الإنجليزي على أرض مصر وقدم الشعب المصرى كوكبه من أجمل وأنبل أبنائه شهداء على شرف مصر وتحررها ومستقبلها.. من شباب الجامعات الشهداء الأبرار عمر شاهين.. وأحمد المنيسى.. وعباس الأعسر.. ومن ضباط الجيش الشهيد طيار أحمد عصمت ومن عمال مصر مجموعه من الشهداء ما زالت مجهوله العدد والأسماء مع الأسف الشديد.

وبدأ خطاب النحاس باشا الساعه ثمانيه مساء وبعد الديباجه والمقدمه فوجئ المستمعون بالشيخ اللي أشرف على سن السبعين بيزار زى الأسد:

- حضرات الشيوخ.. حضرات النواب.. من أجل مصر وقعت معاهدة سنة ١٩٣٦ ومن أجل مصر.. أطلبكم اليوم بإلغائها.

وكان الفقره دى كانت سيم بين أهل مصر.. انفجرت المظاهرات العارمه فى كل أنحاء مصر المحروسه حتى فى قلب عرين الأسد البريطانى.. فى كل مدن وقرى منطقة القنال المحتله وفى مدينة فايد بالذات انتظم الجميع على اختلاف اتجاهاتهم السياسيه فى مظاهره ضخمه وهتفوا بسقوط الاستعمار وأعوانه وطالبوا بسرعة فتح معسكرات التدريب العسكرى أمام المتطوعين وتشكيل لجان مشتركه من جميع الأحزاب لتنظيم عمليه مقاطعه العمال المصريين «ثمانين ألف» لمعسكرات الاحتلال.. ثمانين ألف عامل مصرى تركوا العمل بمعسكرات الاحتلال فوراً وقبل ما يوافق البرلمان على طلب النحاس باشا بإلغاء معاهده سنه ١٩٣٦ من أجل مصر.

علمًا بأن رزق العيال والقوت الضروري كان الحصول عليه مرتبطاً عضوياً بوجود الإنجليز في منطقته القتال أو أي منطقته على أرض الوطن.

ثاني يوم الصبح كنا قاعدين على بوفيه كامل وكانت المناقشات على ودنه.. طرحوا كافة التصورات ودرسوا كافة الاحتمالات والحقيقه أن المناقشه كانت بتدار بشكل ديمقراطي وكانت بالنسبه لى ممتعه إلى حد بعيد.

وعلى فكره أنا كنت واحد من بين تلاته أربعة مسموح لهم بارتياح بوفيه كامل وهما ليسوا شيوعيين: ليه بقى؟

- أنا كنت من حوالى تلات شهور اقتحمت بوفيه كامل بدون إحرم ولا دستور وسألت القاعدين بصوت عالى:

- فين الشيوعيين اللي هنا؟

وبعد فتره صمت وارتباك سألتى واحد منهم:

- إنت مين؟

قلت له بدون تردد:

- أنا أسمى فؤاد عزت نجيم وباشتغل ترزى فى مطار فايد.

قال لى:

- وبتسأل عن الشيوعيين ليه؟

قلت له:

- أصل أنا عايز أحسن الشيوعيه.

وانفجر الجميع بالضحك وحتبدأ التعليقات لكن الراجل اللى كان بيكلمنى بص لهم بصبه أسكتتهم وقام سلم علىّ بود وقدم لى كرسى وطلب لى شاي وسألنى أسئله حميمه عن شغلى ومشاكلى وحياتى وقدم لى نفسه بتواضع شديد كان اسمه حلمى ومش فاكر حلمى إيه وكان شغال فى المطبعه وكان فياض بالحنان والعذوبه


وأثناء الدرر دشه سألني عن قراءاتي فقلت بكل فخر:

- أنا يا محترم قارى حتى الآن ميه تمانيه وسبعين روايه بوليسيه .. يعنى بعون الله
أى قضيه غامضه أجيب لك القاتل فى ظرف ربع ساعه.

طبعا أنا كنت منتظر إنه يغمى عليه من سعه اطلاعى وعمق ثقافتى لقيته مع
الأسف بيكلمنى فى موضوع تانى.. قال لى:

- أنا سعيد جداً بمعرفتك يا أستاذ فؤاد وح أكون أسعد لو شرفتنى بزيارتك لبيتى
المتواضع فى الموعد اللى يناسبك.

واتفقنا على بكره وفى الموعد المضروب كنت فى بيته.. اكتشفت إنه ساكن لوحده
وأذهلنى كم الكتب اللى مالى كل مكان فى الشقه حتى الحمام! وأثناء العشاء
اكتشفت إنه طباح ماهر وفى نهايه الزياره قدم لى كتاب عشان أقراه واشترط على
شرطين:



الشرط الأول: المحافظه على الكتاب أثناء القراءه ورده بعد القراءه.

والشرط الثانى: إنى أناقش أى شىء مش فاهمه معاه بدون حساسيات.

- كلنا بنعلم بعض وكلنا بتعلم من بعض.

وكان الكتاب هو روايه الأم لمكسيم جوركى وكان دا أول لقاء بيتم بينى وبين

الشيوعيين المصريين.



أثناء المناقشات على بوفيه كامل دخل علينا تلاته أفنديه كان واحد منهم شايل

كاميرا وشنطه.

قدموا لنا أنفسهم محمود شكرى وعلى جمال الدين الطاهر وعلى الديروطى

المصور وكلهم بعثه جريدة المصرى لمتابعة ردود الفعل فى وسط عمال المعسكرات

المصريين.. رحبنا بيهم وشاركوا فى جانب من المناقشه وفجأه قال محمود شكرى:

- فيه منشور موجه من قياده القوات البريطانيه للعمال المصريين... وبما عرف

عنى من حماقه واندفاع قاطعته قبل ما يكمل:

- فيه مناشير كثير مش منشور واحد.

قال لى:

- أنا بتكلم عن المنشور اللى بيدعو العمال المصريين لعدم ترك العمل

بالمعسكرات وإحضار أسرهم إذا شاءوا لحمايتهم وبيوعدهم بإسقاط حكومه الوفد

فى أقرب وقت ممكن عقاباً لها على تهورها الوطنى.

قلت له:

- بس المنشور ده موجود جوا المعسكرات.

وتدخل حلمى فى الحديث وقال:

- طيب معلش أنا رأيي تأجل الكلام فى الموضوع ده ونتغدى الأول.
ووافق محمود شكرى وبالليل كنا سهرانين فى شقه حلمى وتم الترتيب.



الصبح انفتحت بوابه الـ «تو أو فايف جروب» معسكر ومطار فايد ومقر القيادة العليا للقوات الجوية البريطانىة فى الشرق الأوسط ودخل موتوسيكل عليه تلاته مصريين.. محمود شكرى بيسوق وأنا وراه فى الوسط وورايا على الديروطى اللي مخبى الكاميرا تحت فوطه محلاوى كان فارشها على رجليه.. كان واقف ع البوابه الشاويش الإنجليزى اليهودى - نَن - وأنا كنت متفق مع محمود شكرى وعلى الديروطى إنه فى حاله سؤألهم ع البوابه يقلولوا احنا «نيو تلو» ودى معناها بالإنجليزى بتاع الأورنص - الترزيه الجداد - لكن ماحصلش أى سؤال.. مجرّه ما وصلنا البوابه ولمحنى نن راح رافع دراع البوابه وهو قاعد.. قلت له:

- مورننج نن.

قال لى:

- مورننج تيلر.

وفى أقل من عشر دقائق كنا خارجين تانى بالكاميرا المليانه لأن ابن المجنونه محمود شكرى صمم على تصوير الطيارات النفاثة - سبيت فاير - فى الممرات بعد ما صورنا المنشور تلات مرات.

يوم ١٢/١٠/١٩٥١ لقيت سامبو داخل علينا بوفيه كامل وفى إيده جريدة المصرى وقال لى:

- شفت نفسك بالمطبعه؟

وراح فارد الجرنال ع الطرايبزه ع الصفحه الأخيره وقام كل اللى فى البوفيه يتفرج على بالمطبعه.. لابس بنطلون كاروهات ومكتوب تحت الصورة: «فؤاد عزت نجم.. من أبطال العمال».

والأنقح من كده إن اسمى ورد فى نشرة أخبار بالليل ضمن أول سته عمال تركوا العمل فى معسكرات الاحتلال قبل البرلمان ما يقرر إلغاء المعاهده.

حصل بعد كده شىء مش قادر أفهمه لغايه دلوقتى..

اليوزباشى السيد الخولى الشهير بالوفدى فاجئنى على يوفيه كامل ومعاه تلاته مخبرين من ماركه الشداد الغلاظ وكان عايز يقبض على بحجة التحرى لولا إن حلمى تصدى له.. واحتدمت المناقشه بينهم لدرجة إن الضابط هدد بأنه ياخذنى بالقوه لولا إنه لقى نفسه هو ومخبريه محاطين بعمال المطبعه الشيوعيين فانسحب بهدوء لكن وهوع الباب قال لى:



صورة نجم وهو شاب

ذنبك على جنبك.. تواجدك في منطقته عسكريه بدون تصريح إنت عارف معناه إيه؟.. ولو مش عارف.. اسأل الأساتذه اللي بيحرضوك.

وبعد ما مشيوا سألتني حلمي:

- فين الباص بتاعك؟

قلت له:

- سايبه في الكامب.

وضحك حلمي وضحكوا كل اللي قاعدين.. وكان فيه عامل قصير اسمه أحمد قال لي:

- إنت خايف عليه لينسرق؟

وعلى فكره أحمد ده كان واخذ مني موقف معادي في أول علاقتي بيهم وكان شاكك في إني مدسوس عليهم من البوليس السياسي وأنا كنت باشوف ده في نظراته لي بيألمني جداً.. لكن حلمي كان دائماً بيخفف عليّ الألم بابتسامته الودوده اللي كان دائماً بيحتويني بيها.. وكانت له جملة دائماً يكررها في حديثه عن أي موضوع وكأنه كان بيوجهها لي شخصياً:

- يوم ما ينجحوا في إنهم يشككونا في بعض.. يبقى كل شيء انتهى.

وبعد خروج الطابط والمخبرين دارت مناقشه طويله انتهت بالاتفاق على ضرورة سفرى بأسرع ما يمكن وبمتهى السريه.

ولأول مره في حياتي أحس بإني مهم وفيه ناس بيفكروا فيّ وفي مصلحتي.

على محطة سكة حديد فايد الساعه سته صباحاً وأنا منتظر القطر اللي جاي من السويس فوجئت بأحمد القصير جاي يمد من بعيد وأول ما وصل عندي خدني بالحضن وقال لي وعنيه مليانه دموع:

- أنا عارف إنني بارتكب خطأ تنظيمي جسيم بحضورى لتوديعك.

ومد لى إيدته بصورته وقال لى:

- الكلام المكتوب ورا الصورة ابقى اقراه وإنه فى القطر.. يمكن تسامحنى.

حطيت الصورة فى جيبى ووصل قطر السويس ولقيت أحمد بياخذنى بالحضن
وانفجرنا احنا لتنين فى البكا وطلعت القطر وأنا حريص إنى ما ابصلوش تانى!

وأول ما القطر مشى طلعت الصورة وقريت المكتوب وراها:

- «إلى الرفيق المتأجأ.. فجأه التقينا.. وفجأه لم أسترح لك وكسرتك.. وفجأه
أحببتك لدرجة العشق.. وفجأه افترقنا.. فهل نلتقى ثانيه.. وفجأه؟».

«أحمد»

